

10/08/1997

Presiden Costa Rica kunjungi Mahathir

KUALA LUMPUR: Presiden Costa Rica, Jose Maria Figueres Olsen, yang melakukan lawatan tidak rasmi tiga hari ke Malaysia, mengunjungi Perdana Menteri, Datuk Seri Dr Mahathir Mohamad, di Jabatan Perdana Menteri di sini, semalam.

Turut bersama beliau ialah Menteri Perdagangan negara itu Jose Manual Salazar dan Menteri Pendidikan Eduardo Doryan. Menteri Luar, Datuk Seri Abdullah Ahmad Badawi, juga hadir.

Olsen kemudian melawat Perbadanan Kemajuan Multimedia (MDC) dan dijadualkan makan tengah hari di Menara KL.

Beliau tiba di Pulau Pinang pada Khamis lalu dan melawat Perbadanan Pembangunan Pulau Pinang (PDC). Beliau juga mengunjungi Ketua Menteri, Tan Sri Dr Koh Tsu Koon, kelmarin.

Olsen tiba di sini pagi semalam dengan diiringi isterinya, Josette Altman de Figueres dan delegasi 12 anggota. Pada sebelah petang, mereka berlepas ke Taipéh. - Bernama

(END)